



3. juni 2014

Inatsisartut Suleriaasianni § 37 naapertorlugu Naalakkersuisunut apeqqutut makku matumuuna saqqummiuppakka:

**Apeqqutit Naalakkersuisunut angallannerup iluani kiffartuussinermut isumaqatigiissutissat pillugit.**

(Inatsisartunut ilaasortaq Andreas Uldum, Demokraatit)

**Tunnqavilersuut:**

Naalakkersuisut nunaqarfinnut isorliunerusunullu angallassineq pillugu nutaanik kiffartuussinermut isumaqatigiissusiornissamut atatillugu neqeroornissamut atortut saqqummiuteqqammerpaat. Tamatumunnga atatillugu Peqqissutsimut Attaveqarnermullu Naalakkersuisoq oqarpoq, paasisimallugu nunap immikkoortuisa ilaanni angallanneq naammagineqanngitsoq. Taamaattumik sapinngisannuaminik innuttaasunik inuussutissarsiortunillu angallassinikkut pitsanngorsaarusuppoq.

Taamaakkaluartoq Peqqissutsimut Attaveqarnermullu Naalakkersuisoq nalunaaruteqarnermini tigussaasunik oqaaseqanngilaq, tamannalu tunnqavigalugu apeqqutit uku apeqqutigerusuppakka:

1. Nunap immikkoortuini sorlorni maannakkut kiffartuussinissamut isumaqatigiissutit iluarineqanngillat aamma Naalakkersuisut isumaat naapertorlugu naammagittaalliorneq sumik pissuteqarpa?
2. Naalakkersuisut qanoq iliorlutik tigussaasumik qularnaarniarpaat, angallannikkut pissutsit pitsanngorsaaviginissaat, innuttaasunut inuussutissarsiortunullu?
3. Tamatumunnga atatillugu Naalakkersuisut bilittit akikitsut pingaernerutinniarpaat imaluunniit eqaannerusumik angallassineq?
4. Qanoq iliorlutik Naalakkersuisut innuttaasut peqataatinniarpaat tusarnaarniarlugillu kiffartuussinermut isumaqatigiissutinut tunnqatillugu?

Naalakkersuisut aamma tikkuarpaat pingaartikkitsik sapinngissamik annerpaamik angallassinissaq aamma Naalakkersuisut isumaqarpugut, sumiiffinni arlalinni periarfissaqartoq imaatigut angallannerup qulimiguulinnillu timmisartuussinerup ataatsikkut aqqiiviginissaat.

Uani allatut ajornartumik erseqqissaassutigisariaqarpara, maannakkut naalakkersuisoqatigiissut Inuit Ataqtigiillu 2012-mi, kingullermik kiffartuussinermut isumaqatigiissutit isumaqatigiinniutigineqarmata aqqiiviginissaq itigartimassuk, naak innuttaasut pitsaannerusunik akikinnerusunillu timmisartuussinerup aqqiivigineqartussaagaluartut. Partiit pineqartut aamma allamik aqqiiviginissaq itigartippaat, naak imaatigut angallanneq qulimiguulimmillu timmisartuussineq ataatsikkut aqqiivigineqartussaagaluartut. Tamanna atuarneqarsinnaavoq Aningaasaqarnermut Ataatsimiititaliap aalajangingaani ulloq 27. august 2012 uani linkimi:



DEMOKRAATIT  
DEMOKRATERNE

<http://www.inatsisartut.gl/documents/finafg/2012/584-2-120720-trafikkontrakter-v3-dk.pdf>

Tamanna tunngavigalugu Demokraatini neriutigaarput, Naalakkersusiut partigruppitik aqussinnaassagaat, takorluukkat pineqartut piviusunnngorsinnaaqullugit.

Apeqqutit akeqquneqarput ullut suliffiit nalinnaat qulit iluanni.